

編號 01 號

【大箍牯減肥記】曾菁怡原作

「哇！歸桌仔恁多好料仔！汽水、餅仔、披薩、雞卵糕、枝仔冰，還有 盡好食个焗菜、雞髀¹。」看到無 目，口涎水強強會跌下來，該兜好料仔像同 攞手講：「遽遽來食，遽遽來食唷！」煞煞抓一支香噴噴仔个雞髀，該油亮油亮个皮焙到

，肉汁汀汀汀汀，實在還錫人哪！就在 嘴擊到大大，準備咬啊下去該下，嘎聽著：「大箍牯，還毋跣床？讀書會赴毋掣哩！」全部个好料仔一下仔嘎毋見忒，原來，係發夢啊！有一息仔毋願，該雞髀無咬著，實在還打爽哦！

聽吾姆講， 從細就異好嘴斗，生到肉卒卒仔，幼皮白肉，盡得人惜。公太就盡愛撚吾面頰卵，講 像正打好个粿粿仔分人想愛咬一口。原本 無感覺肥固固个身材有麼个毋好，但係該擺見笑个經驗分 堅心愛減肥哩。

該日學校辦校慶活動，吾班級表演「三隻細豬仔」个話劇，係擔任豬大哥个角色。就在節目進行到豬大哥同豬二哥為著閃避大野狼，愛走去豬老弟个屋仔園該下，為著有緊張个氣氛，

盡命牯颯過去愛鑽入豬老弟个屋仔裡肚。麼人知，一下忒大力，豬老弟个屋仔嘎分 撞橫下去， 還仆在屋仔面頂，屎肫翹到半天高，緜繃繃仔个褲弓到暴線縫……。該時，鬧熱煎煎个禮堂忽然間變到一片恬靜， 還聽得著自家砰砰砰个心跳聲，額頭流下來个汗水每一滴 就感覺得著……，實在還見笑哦！愛仰結煞正好？落尾，有聲音膠 解圍哩， 遽遽企起來行到舞臺脣換褲；該聲音，毋係 期待个拍手聲，係大家笑到歸身仔緊顫、目汁雙流个笑聲。

校慶結束該日，桌頂个乳茶、雞排全部分 擲到垃圾桶，第一擺有恁強个決心，絕對愛減肥成功。 去網路尋減肥个方法，大體係減量、減油、減糖，還愛配合適當个運動，故所該兜油漬漬仔²个焗菜、甜濟濟仔³个汽水、糖仔全部分 拒絕，逐餐飯菜都食較清較齋兜仔，食到七分飽就好。 還每日運動三十分鐘，行路、打球仔、跳索仔……，逐日做無共樣个變化。

一隻月過後，吾姆帶等 去買新衫褲，每一領个尺寸都減兩號，阿姆講：「從今以後做毋得過喊你『大箍牯』咧。」「係啊！你愛喊 『緣投哥』哩。」

大箍牯減肥，成功！

¹ 雞髀：音 gie' bi'；雞腿。

² 油漬漬仔：音 iu' ji ji e'；形容沾滿了油。

³ 甜濟濟仔：音 tiam' ji' ji' e'；形容味道甜膩。

編號 02 號

【擲牙齒】張旭英原作

堵好係換牙齒个七八歲，舊个牙齒盲敲忒，新牙就先暴出來，也就係人講个生豬哥牙啦，又恁堵好係頭前个當門牙，係講無先摻舊牙擲忒，一方面驚怕會影響新牙个生長，再方面細阿妹仔个門面就會媿到看毋得。

就恁樣，第二日吾爸渡 坐巴士去街項齒科擲牙齒。還當記得愛去街項个前一暗晡吾姆遽遽用裁縫車踏踏啊，兩下半就做好一身完匹斯¹愛分 著去街項擲牙齒。毋知係毋係著新衫心頭歡喜，對黏時愛擲牙齒个緊張，試著較毋會發痲驚²。去到先生該位，護理師先摻 注痺藥，先生一抹煞³擲忒四支舊牙，護理師喊講棉花愛用力咬等，痺藥盲過，故所也無感覺著有幾痛。坐有一下仔，護理師講做得轉去哩！拿好藥包交代講係止痛藥，實在當痛痛到佇毋著⁴就愛拿來食，係講會試著毋爽快，就愛倒轉來分先生看。

¹ 完匹斯：音 van' pi sii'；外來客家語，連身洋裝。

² 發痲驚：音 bod' cii' giang'；受到驚嚇而心中感到害怕，甚至起雞皮疙瘩。

³ 一抹煞：音 id' mad' sad'；全部。

⁴ 佇毋著：音 du m' diau'；指身體或心理不能負荷或承受。

跔等吾爸个屎背尾，準備愛行去赴車枋⁵，欸！仰毋係行去車頭个方向？該時 還無法度講話，用手拉吾爸衫腳提醒阿爸行毋著哩，指等車頭該片，吾爸笑微微仔講：「偲兩儕，先來去食一碗冰正去坐巴士」。包尾 正知，食冰就係驚痺藥過忒開始會痛，吾爸知得棉花拿忒驚怕會出血，食冰暫時做得止血止痛。該碗冰係清冰，白雪雪个冰、淋一息仔烏糖水，該冰冰涼涼、甜甜个味緒 永久記得。下後再點清冰來食， 嘎尋毋著當時該種味緒。

擲忒四支牙齒个 ，跔等吾爸歡歡喜喜食冰，又安安心心坐等巴士轉屋下，毋知續下來還有愛面對个事情。第一，就係暫時做毋得食硬飯，淨做得食粥無就食麵；第二，少忒四支牙齒暫時變到當媿，會分人笑「缺牙耙」。仰結煞⁶正好呢？該時盲有嘴落仔⁷好落，高不將嘴恬恬莫講話，就毋會分人看著吾牙齒少忒四支，還有食粥無就食麵，驚怕愛食一駁仔⁸哩啲！

這下吾當門牙生到齊齊正正，除忒愛感謝吾爸个智慧，還有吾姆做一身新衫分 ，使致當少出門个細阿妹增加異多个勇氣，做得勇敢去面對擲牙齒个事情。

⁵ 赴車枋：音 fu ca' biong'；趕車。

⁶ 仰結煞：音 ngiong gad' sad'；怎麼辦；如何是好。

⁷ 嘴落仔：音 zoi lab' e'；口罩。

⁸ 一駁仔：音 id' bog' e'；一陣子。

編號 03 號

【剃頭】張美容原作

前幾日仔去剃頭店剃頭，看著一個兩、三歲个細人仔，為著剃頭噉到噉殺天¹，大人細子全部都搵到汗流脈絡，實在還衰過哪。這下較大咗，剃頭該下毋敢噉，毋過還係恁驚剃頭，乜共樣恁惱剃頭！

驚剃頭，係因為 當無膽，驚師傅手項該支剪刀摺剃頭刀。見擺一坐落凳頂，圍好剃頭帕，看著師傅擎等剪刀對等，就開始幅幅掣²，試著過忒千年恁久頭那毛正剪好，正想愛敵一下大氣定定，師傅又擎等利利个剃頭刀愛來刮吾腦之背³个毛腳，這下還較得人畏哩。驚到頸根緊鉤、尿肱在凳頂扭來扭去，師傅緊刮緊咄⁴ 毋好停動，無奈何，牙根齧等、拳頭嫵搭等，由在人剷割。係走得得，定著起腳滑走⁵，一分鐘就毋停跔。唉！剃頭實在得人驚！

到三、四年生起勢，膽較在⁶哩，無恁驚剃頭，嘎變做惱剃

頭，因為師傅該張嘴當得人惱，佢總係在摺剃頭該時節，講講摺一千擔有个無个。可能大家係老鄰舍倘⁷熟事咗，佢長透緊剃緊同

打嘴鼓，一下仔問：「若頭那毛落麼个肥，仰會生到恁靚、恁多？」一下仔又講：「營養毋好專門搵到頭那毛去，愛食較高大兜仔正有影哪！毋好像矮嫵車樣仔矮佢佢仔⁸。」面皮薄、驚見笑，長間目珠眨等詐無聽著，一肚懊惱⁹想：「仰結煞！脣頭个人定著在該笑 咗啦！還惱！還惱！實在還惱剃頭。」

最冤枉个係，有一擺師傅毋知仰仔，剪刀一溜¹⁰，嘎摺吾个耳公剪溜皮，跔等就出血。師傅緊同 膏藥仔，緊噉噉咿咿講：「頭那毛恁多，當毋好剪。」仰形嘎變做 毋著！轉到屋下想愛同阿姆做嬌，無想著阿姆毋單淨無安慰，顛倒罵 講：「毋恬恬坐等分人剃哪！耳公無分人剪忒就異好哩。」限勢 愛噉毋得嘴扁，聽著阿姆恁樣講，黏時「哇」一聲噉出來。係做得，甘願鬢頭絞髻¹¹乜無愛去剃頭。

剃頭个齣事，幾隻月就愛再過來一擺，還艱苦哪！日日想、日日望，想望煞煞大，做得像大人恁樣，去電毛店剪頭那毛，腳交等，有冷氣好吹、有人同你捉龍，還有人滄茶分你食，毋知幾好哪！

¹ 噉殺天：音 veˋ vɔŋˋ sadˋ tienˋ；高聲呼叫。

² 幅幅掣：音 bid bid cadˋ；不停發抖。

³ 腦之背：音 noˋ ziiˋ boi；後腦杓。

⁴ 咄：音 doiˋ；喝斥。

⁵ 起腳滑走：音 hiˋ giɔŋˋ vad zeuˋ；拔腿就跑。

⁶ 在：音 cai；穩固。

⁷ 倘：音 tiɔŋˋ；太。

⁸ 矮佢佢仔：音 aiˋ dudˋ dudˋ eˋ；矮嘟嘟的。

⁹ 懊惱：音 au nau；懊惱。

¹⁰ 溜：音 tiu；滑開。

¹¹ 鬢頭絞髻：音 nungˋ teuˋ gauˋ gi；蓬頭散髮。